



Акафист

святой равноапостольной великой княгине Ольге

Кондакъ 1

Первоизбраннѣй отъ всего россійскаго рѣда, славноѣй и равноапѣстольнѣй угодниѣ Бѣжіей Ольгѣ составимъ похвалу, яко зарѣ во тмѣ идолопоклоненія свѣтомъ вѣры возсіявшей и путь ко Христу всѣмъ россіаномъ показавшей. Ты же, яко имущая дерзновение къ прославленію тѣ Господу, ограждай насъ отъ всякихъ бѣдъ молитвами твоими, да зовѣмъ ти:

Радуйся, святая равноапѣстольная княгине Ольго богомудрая.

Икосъ 1

Ангеловъ и челоуѣковъ Творецъ, временá и лѣта во Своей власти положивый и судьбы царствъ и народовъ по Своей воли управляяй, егда восхотѣ родъ россійскій святымъ крещеніемъ просвѣтити, тогда, видя благое изволеніе сѣрдца твоего, призва ты пѣрвѣе въ

позна́ніе Себе́, да бу́деши всѣмъ россіяномъ
о́бразъ и наста́вница въ христіанстѣй вѣрѣ. Сего́
ра́ди восхваля́емъ тя си́це:

Ра́дуйся, россійскаго небесе́ у́треннее звѣздо́,
отъ перво́званнаго апо́стола на гора́хъ Кіевскихъ
предвозвѣще́нная;

ра́дуйся, заре́, во мра́кѣ невѣдѣнія свѣтомъ
боговѣдѣнія свѣтло возоблиста́вшая.

Ра́дуйся, добра́я лозо́ винограда Христо́ва,
отъ дивіаго язы́ческаго ко́рене прозя́бшая;

ра́дуйся, пречу́дная лѣторасле́, изъ нея́ же
вѣліе правове́рія дре́во на земли́ на́шей возрасте́.

Ра́дуйся, первоу́чительнице́ и
просвѣти́тельнице́ на́ша;

ра́дуйся, я́ко тобо́ю позна́хомъ покланя́тися
въ Тро́ицѣ Творцу́.

Ра́дуйся, я́ко тебе́ ра́ди пресвято́е імя
Госпо́дне отъ всѣхъ россіянъ прославля́ется;

ра́дуйся, я́ко и твоё пресла́вное імя вку́пѣ съ
равноапо́стольнымъ Влади́міромъ во всѣхъ
предѣла́хъ ца́рства Россійскаго восхваля́ется.

Ра́дуйся, страны́ на́шея Россі́йскія духо́вное
сокро́вище;

ра́дуйся, всея́ Христо́вы Цѣркве пресла́вное украше́ние.

Ра́дуйся, сто́льнаго гра́да Кіева изря́дная добро́то;

ра́дуйся, царю́ нашему́ на враги́ блага́я помо́щнице.

Ра́дуйся, свята́я равноапо́стольная княги́не Ольго́ богому́драя.

Конда́къ 2

Ви́дяще тя́, свята́я Ольго́, я́ко кринь въ те́рнии прозя́бшій: ты́ бо а́ще и въ нече́стїи язы́чествѣмъ ро́ждена́ была́ еси́, о́баче за́ко́нь Бо́жїй въ се́рдць тво́емъ напи́санъ всегда́ имѣ́ла еси́ и цѣ́лому́дріе тво́е я́ко зѣ́ницу о́ка блюла́ еси́, благода́рно по́емъ дивно́му во свята́хъ Свои́хъ Бо́гу: Аллилу́я.

Ико́сь 2

Ра́зумомъ твои́мъ вся́ до́брѣ вѣ́дящи, позна́ла еси́, богому́драя Ольго́, я́ко идо́ли, рука́ма чело́вѣческа́ма сотворѣ́ннїи, не су́ть бо́зи, тѣ́мъ же, отве́ргши ты́я, потща́лася еси́ позна́ти Бо́га и́стиннаго. Сего́ ра́ди, похваля́юще си́цевое тво́е благо́разу́міе, вопі́емъ ти́ си́це:

Ра́дуйся, до́брая же́но, пе́рвѣе всѣхъ россіянь
заблужде́ніе свое́ позна́вшая;

ра́дуйся, тщету́ идолопоклонѣ́нія разумѣ́вшая.

Ра́дуйся, и́стиннаго богопозна́нія и пра́выя
вѣры усер́дно иска́вшая;

ра́дуйся, е́ще не вѣ́дущи Истиннаго Бо́га, я́ко
же Корни́лій со́тникъ, до́брыми дѣ́лы Тому́
угожда́вшая.

Ра́дуйся, пре́жде разумѣ́нія зако́на Бо́жия по
зако́ну со́вѣсти пра́ведно жи́вшая;

ра́дуйся, пре́жде прі́ятія христі́анскія вѣ́ры
дѣ́ла, христі́аномъ подо́бающая, творі́вшая.

Ра́дуйся, держа́ву твою́ отъ наше́ствія
супоста́тъ му́жественно за́щити́вшая;

ра́дуйся, въ подчи́ненныхъ ти́ лю́дехъ суды́
пра́ведны творі́вшая.

Ра́дуйся, прему́дростію отъ Бо́га ода́ренная;

ра́дуйся, ца́рственною сла́вою на землі́ и на
небеси́ почте́нная.

Ра́дуйся, нетлѣ́ніемъ святы́хъ мо́щей твои́хъ
отъ Бо́га просла́вленная;

ра́дуйся, тѣ́ми мно́гая исцѣ́ленія вся́кимъ
неду́гамъ подава́ющая.

Ра́дуйся, свѣта́я равноапо́сто́льная княги́не
Ольго́ богому́драя.

Конда́къ 3

Си́лою благода́ти Бо́жіей дви́жима,
потща́лася еси́, богому́драя Ольго́, дости́гнути
Царьгра́да, иди́же зря́щи красоту́ церко́внаго
благолѣ́пія и послу́шаючи уче́нія словѣ́съ
Боже́ственныхъ, распаля́лася еси́ всѣ́мъ
се́рдцемъ твои́мъ въ лю́бовь Христо́ву,
благодарственно вопію́щи Ему́: Аллилу́ія.

Ико́сь 3

Имѣ́я се́рдце́ я́ко до́брую зе́млю, удо́бь
воспри́яла еси́, Ольго́, сѣ́мя свѣ́тыя вѣ́ры,
позна́вши Христа́ Бо́га Истиннаго. Тѣ́мже и
креще́ніе свѣ́тое при́яла еси́ отъ руку́ патри́арха
Царьгра́да, иже́ и предрече́ ти, я́ко отны́нѣ
блажи́ти ты́ и́муть россі́йстии сы́нове. Испол́нити
у́бо хотя́ще прорече́ніе сіе́, взыва́емъ ти́ си́це:

Ра́дуйся, тму́ идо́лослуже́нія оста́вля́шая;
ра́дуйся, свѣ́тъ богопозна́нія взыска́вшая.

Ра́дуйся, безконече́ныя па́губы вѣ́рою
избѣ́жавшая;

ра́дуйся, жи́знь вѣ́чную во Хри́стѣ
стяжа́вшая.

Ра́дуйся, въ купѣ́ли свята́го креще́нія отъ
скве́рны грѣ́ховныя омыв́шаяся;

ра́дуйся, благода́тию Свята́го Ду́ха духо́вно
родив́шаяся.

Ра́дуйся, разу́мная го́рлице, отъ когте́й
душепа́губнаго вра́на излетѣ́вшая;

ра́дуйся, подѣ́ крилѣ́ Орла́ Небе́снаго
прилетѣ́вшая.

Ра́дуйся, мно́жество ду́шъ креще́ниемъ съ
собо́ю ко Хри́сту́ приве́дшая;

ра́дуйся, сего́ ра́ди сугу́бое воздая́ние отъ Бо́га
получи́вшая.

Ра́дуйся, съ вѣ́рою несумнѣ́нною
приходя́щихъ свѣ́томъ отъ честны́хъ твои́хъ
моще́й осіява́ющая;

ра́дуйся, ду́шамъ и тѣ́лесемъ тѣ́хъ, яже на
по́льзу, подава́ющая.

Ра́дуйся, свята́я равноапосто́льная княги́не
Ольго́ богому́драя.

Кондакъ 4

Како можемъ не удивитися благоразумію твоему, Ольго преблаженная, ибо ты предложеніе царя еллиновъ о брацѣ съ нимъ разумно отвергла еси, рекши тому: "не брака ради придохъ сѣмо и не соцарствования ради съ тобою, но да уневѣщуся крещеніемъ безсмертному Жениху Христу Богу, Его же паче всего возлюбилъ душа моя, и Ему же отнынѣ во вѣки не престану воспѣвати: Аллилуія".

Икосъ 4

Слышавши отъ крестившаго тя патриарха напутственное слово о чистотѣ, постѣ, молитвѣ и о всѣхъ добродѣтеляхъ, христіаномъ подобающихъ, слагала еси сія въ сѣрдцы твоёмъ, дѣлы вся та исполняти обѣщаваяся. Тѣмъ же убо по долгу воспѣваемъ ти сице:

Радуйся, усѣрдная слышательнице словесъ Божественныхъ;

радуйся, ревностная исполнительнице закона христіанскаго.

Радуйся, ниву сѣрдца твоего очистившая отъ тернія душевредныхъ страстей;

радуйся, оросившая ю слезами покаянія.

Ра́дуйся, я́ко сѣ́мя сло́ва Бо́жія въ се́рдцы тво́емъ, я́ко на землі до́брѣй, укорени́ся;

ра́дуйся, я́ко сѣ́мя сі́е прозябе́ и стори́чный пло́дъ благи́хъ дѣ́лъ принесе́.

Ра́дуйся, вдо́вственную твою́ чистоту́ непоро́чно сохрани́вшая;

ра́дуйся, возде́ржаніемъ и моли́твою Бо́гу угоди́вшая.

Ра́дуйся, ми́лостынею Творца́ умі́лостивившая;

ра́дуйся, ни́щія и убо́гія потре́бами снабди́вшая.

Ра́дуйся, сы́ну своему́ кня́зю Святосла́ву, непослу́шливу су́щю ма́тери сво́ей, кончи́ну злу́ю предре́кшая;

ра́дуйся, просвѣ́щеніе землі Росси́йскія свѣ́томъ Христо́ва уче́нія провидѣ́вшая.

Ра́дуйся, свята́я равноапо́стольная княги́не Ольго́ богому́драя.

Конда́къ 5

Боготка́нною оде́ждою свята́го креще́нія обле́кшись и нетла́нною пи́щею пречи́стаго Тѣ́ла и Кро́ве Христо́вы духо́вно укрѣ́пльшись, Ольго

преблаже́нная, не убо́ялася еси́ поте́щи къ невѣ́рнымъ сооте́чественникомъ твои́мъ, прѣ́дкомъ на́шимъ, проповѣ́дати имъ Еди́наго Истиннаго Бо́га, Ему́ же ны́нѣ вся́ Россія́, яко еди́нѣми усты́, воспѣ́ваетъ: Аллилу́я.

Ико́сь 5

Ви́дѣвши, свята́я Ольго́, вся́ лю́ди земли́ Росси́йскія во тмѣ́ идоло́служенія́ погруже́нныя, усѣ́рдно потща́лася еси́ просвѣ́тити ты́я свѣ́томъ Христо́вы вѣ́ры и сотвори́ти я сы́ны дне́ и наслѣ́дники Ца́рствія́ небѣ́снаго. Помина́юще у́бо сицевое́ твоё́ попече́ние о́ нихъ, благода́рственно зове́мъ ти́:

Ра́дуйся, прему́драя власти́тельница наро́да росси́йскаго;

ра́дуйся, до́брая наста́внице́ ввѣ́реннаго ти́ ста́да.

Ра́дуйся, пе́рвѣй христи́анстѣй ца́рицѣ́ Еле́нѣ́ въ ре́вности боже́ственнѣй подража́вшая;

ра́дуйся, и́мя тоя́ во святѣ́мъ креще́нии прія́вшая.

Ра́дуйся, честны́й крѣ́сть Христо́въ и свята́я ико́ны изъ Ца́рьграда́ во гра́дь Кіе́въ принѣ́сшая;

ра́дуйся, іере́и и клі́рики съ собо́ю въ Россію
приве́дшая.

Ра́дуйся, му́дрыми тво́ими глаго́лы
поуча́вшая лю́ди оста́вити тму́ язы́ческаго
нечесті́я;

ра́дуйся, увѣща́вшая ихъ воспрі́яти свѣ́тъ
христі́анскаго благочесті́я.

Ра́дуйся, мно́гія россі́яны свѣ́томъ вѣ́ры
Христовы́ просвѣ́тившая;

ра́дуйся, нача́ло просвѣ́щенія все́я земли́
Россі́йскія положи́вшая.

Ра́дуйся, гра́ды Россі́йскія проповѣ́даніемъ
Христов́а учені́я огласі́вшая;

ра́дуйся, пѣ́рвая отъ земли́ Россі́йскія ли́ку
святы́хъ причте́нная.

Ра́дуйся, свята́я равноапосто́льная княгі́не
Ольго́ богому́драя.

Конда́къ 6

Проповѣ́дникомъ духоно́снымъ апосто́ломъ
подража́вши, Ольго́ богому́драя, обтекла́ еси́
гра́ды и ве́си держа́вы твоея́, приводя́щи, ели́ко
мо́щно бѣ́, лю́ди къ вѣ́рѣ Христовѣ́й и навча́ющи

ихъ воспѣвати Единому въ Троицѣ славному Богу: Аллилуія.

Икосъ 6

Утверждаѣя въ державѣ твоей начатокъ вѣры христіанскія, создала еси храмы Божіи во градѣ Кіевѣ и въ странѣ рождѣнія твоего, при рѣцѣ Велицѣй у града Пскова. И тако начаша россияне прославляти повсюду Христа Бога нашего, тебѣ же, просвѣтительницѣ своей, похвальная воспѣвати:

Радуйся, яко отъ чистаго источника святыя соборныя и апостольскія Церкви чистое учѣніе пріяла еси;

радуйся, яко тѣмъ насъ научила еси познати Единого Истиннаго Бога.

Радуйся, идольскихъ трѣбищъ и куміровъ потребительнице;

радуйся, святыхъ Божіихъ храмовъ созидательнице.

Радуйся, яко же и первозванный апостоль, съ проповѣдію Евангелія зѣмлю Русскую обходившая;

ра́дуйся, Вели́кому Новугра́ду и про́чимъ
Росси́йскимъ градо́мъ Христо́во въ ми́ръ
прише́ствие благовѣ́стившая.

Ра́дуйся, на разли́чныхъ мѣ́стѣхъ про́повѣди
твоея́ честны́я кресты́ водрузи́вшая;

ра́дуйся, я́ко отъ тѣ́хъ мно́гая зна́менія и
чудеса́, увѣ́ренія ради невѣ́рныхъ, си́лою Бо́жіею
содѣ́вахуся.

Ра́дуйся, я́ко тобо́ю Всеблагі́й Госпо́дь
сыново́мъ Росси́йскимъ позна́ние Своё́ явилъ́ е́сть;

ра́дуйся, я́ко чрезъ́ нихъ́ и про́чія мно́гія
наро́ды свѣ́томъ вѣ́ры просвѣ́тилъ́ е́сть.

Ра́дуйся, я́ко отъ́ ко́рене твоего́́ честна́го
Госпо́дь свята́го равноапо́стольнаго кня́зя
Влади́мира показáлъ́ на́мъ е́сть;

ра́дуйся, я́ко о́бразомъ́ житія́ твоего́́ святы́й
кня́зь Влади́миръ́ подвигъ́ся прія́ти христі́анскую
вѣ́ру.

Ра́дуйся, свята́я равноапо́стольная кня́гине
Ольго́ богому́драя.

Конда́къ 7

Хотя́́ изба́вити сы́на твоего́́ Святосла́ва отъ́
па́губы вѣ́чныя, приле́жно увѣ́щевáла еси́́ его́́

оста́вити почита́ние и́доловъ и вѣ́ровати въ Бо́га
и́стиннаго. Но то́й не вня́тъ ма́тернему
наказа́нiю твоему́ и не восхотѣ́ нече́стiе свое́
премѣ́нити на благоче́стiе. Тѣ́мже, я́ко невѣ́рный,
отчу́ждiся жи́зни вѣ́чныя и не сподо́бися съ
тобо́ю въ го́рнѣмъ Ца́рствiи воспѣ́вати: Аллилу́я.

Ико́сь 7

Но́вое зна́менiе благоволе́нiя Своего́ яви́ тебѣ́
Госпо́дь, егда́, во о́бразъ Пресвяты́я Тро́ицы, три́
пресвѣ́тлыя луча́ съ небесе́ облиста́ на мѣ́стѣ
дубра́внѣ, ихже не то́чию едина́ ты зрѣ́ла еси́, но
и вси́ су́щии та́мо лю́дие видѣ́ша, и вкупѣ́ съ
тобо́ю просла́виша Трiеди́наго Бо́га. Мы́ же,
вѣ́дуще сбы́тiе прорече́нiя твоего́ о созда́нiи на
мѣ́стѣ о́номъ хра́ма и гра́да, ублажа́емъ тя́ си́це:

Ра́дуйся, вели́кая Бо́жiя уго́днице;

ра́дуйся, да́ра проро́чествiя отъ Не́го
сподо́бльшаяся.

Ра́дуйся, Трисiяннаго́ небеснаго́ свѣ́та
зрiтельнице;

ра́дуйся, всеблагiя́ во́ли Бо́жiей о
просвѣ́щенiи наро́да ру́скаго́ пѣ́рвая
исполнiтельница.

Ра́дуйся, гра́да Пско́ва нача́льная
основа́тельница;

ра́дуйся, всея́ Росси́йскія держа́вы засту́пнице
и покрови́тельнице.

Ра́дуйся, я́ко изволе́ниемъ Бо́жимъ держа́ва
Росси́йская ны́нѣ отъ мо́ря до мо́ря
распростра́нися;

ра́дуйся, я́ко вся́ гра́ды и ве́си ея́
мно́жествомъ хра́мовъ Бо́жихъ украси́шася.

Ра́дуйся, я́ко въ хра́мѣхъ сихъ святи́тели и
іере́и безкро́вную Же́ртву о лю́дехъ Бо́гу
прино́сятъ;

ра́дуйся, я́ко со́нмы ино́чествующихъ по
всему́ лицу́ земли Росси́йскія денноно́щно хвалу́
Святы́й Трои́цѣ воспѣ́вають.

Ра́дуйся, я́ко обита́телие гра́да Кіева́ тя
превозно́сятъ и ублажа́ютъ;

ра́дуйся, я́ко и вси́ правосла́вниі россі́яне съ
лѣтъ дре́внихъ тя почита́ютъ и просла́вляють.

Ра́дуйся, свята́я равноапосто́льная княги́не
Ольго́ богому́драя.

Кондакъ 8

Странствія земнаго теченіе скончаваѣя, теплѣ Господа молила еси, Ольго блаженная, да, по преставленіи твоёмъ, не оставитъ Онъ земли Россійскія во тмѣ невѣдѣнія пребывати, но да просвѣтитъ ю свѣтомъ святыя вѣры, и вся сыны Россійскія да научитъ воспѣвати Ему: Аллилуія.

Икосъ 8

Вся объята бывши благодатию Божественною, достохвальная Ольго, мысленными очесы зрѣла еси просвѣщеніе всего народа твоего и пророчески предрекла еси, яко мнози велиціи угодницы Божіи, яко звѣзды свѣтлыя, въ земли Россійстѣй возсіяють, еже уже и сбѣтсѣя изволеніемъ и благодатию Всемогущаго Бога. Сего ради по долгу воспѣваемъ ти сице:

Радуйся, духовная наша мати, испросившая у Бога просвѣщеніе праотцемъ нашимъ;

радуйся, яко Всеблагій Господь, зря доброту души твоея, тебѣ ради вся люди русскія возлюбѣи.

Радуйся, яко тя обрѣте Христось достоинъ сосудъ, чрезъ негоже нача изливати благодать Свою земли Россійстѣй;

ра́дуйся, я́ко ты́ предугото́вала еси́ лю́ди тво́я
ко прі́ятію вѣ́ры и благода́ти Христо́вы.

Ра́дуйся, я́ко прозорли́во предзрѣ́ла еси́
вели́чіе и сла́ву держа́вы твое́я;

ра́дуйся, я́ко весели́лася еси́ о предвидѣ́нномъ
тобо́ю благоче́стіи сыно́въ Россі́йскихъ.

Ра́дуйся, я́ко, по прорече́нію твоему́, мно́зи
святі́и отъ ро́да на́шего возсія́ша;

ра́дуйся, я́ко и отъ племе́не твоего́ мно́зи
кня́зи Россі́йстіи Бо́гу благоугоди́ша и вѣ́нцы
сла́вы получи́ша.

Ра́дуйся, я́ко и до ны́нѣ въ наро́дѣ ру́сскомъ
блюде́тся вѣ́ра и благоче́стіе;

ра́дуйся, я́ко не оскудѣ́ша въ не́мъ
подви́жницы, благоугожда́ющіи Го́сподеви
исполне́ніемъ святыхъ Его́ заповѣ́дей.

Ра́дуйся, моли́твами тво́ими въ ско́рбехъ и
напа́стехъ на́съ заступа́ющая;

ра́дуйся, во обстоя́ніихъ злы́хъ оте́чество
на́ше сохра́няющая и отъ враго́въ изба́вляющая.

Ра́дуйся, святая́ равноапосто́льная княги́не
Ольго́ богому́драя.

Кондакъ 9

Всякихъ добродѣтелей исполнена бывши, Ольго блаженная, съ молитвою во устѣхъ предала еси дѹхъ твой въ рѹцѣ Божіи, Иже всели ты въ небесныя обители и пѣрвую отъ россіянъ сопричтѣ лику святыхъ уго́дникъ Своихъ. Тѣмже испроси́ убо и намъ у Господа мирную христіанскую кончину, да предадимъ души наша въ рѹцѣ Христа́ Бога нашего, поюще́ Тому́ хвалебную пѣснь: Аллилу́я.

Икосъ 9

Витіи многовѣщанніи не мѹгутъ достойно восхвалити́ тя, Ольго богомѹдрая: како́ ты, ни кимъ же отъ человекъ учи́ма и увѣщеваема, познала еси́ тщету́ идолослуженія, правыя же вѣры взыскала еси́ и, якоже мѹдрый купецъ, обрѣла еси́ безцѣнный бисеръ, Христа́, Его́же лицезрѣніа на небеси наслажда́яся нынѣ, не забуди́ насъ, прелестями́ міра сего́ омрача́емыхъ и о благахъ вѣчныхъ забыва́ющихъ, да тобою́ на пѹть правый наставля́еми, взыва́емъ ти́ радостно:

Ра́дуйся, до́брыми тво́ими дѣ́лы и пра́вымъ
ума́ и се́рдца изволе́ниемъ приугото́вившая себе́
жилище́ Божѣ́ственной благода́ти;

ра́дуйся, я́ко Са́мъ Ду́хъ Святы́й учи́тель тебѣ́
бы́сть къ позна́нiю Христа́ Сы́на Бо́жiя.

Ра́дуйся, ни кѣ́ихъ же зна́менiй и чуде́съ
видѣ́вшая и во Христа́ вѣ́рововшая;

ра́дуйся, таково́ю вѣ́рою твоёю мно́гихъ
гоните́лей и мучи́телей, видѣ́вшихъ зна́менiя и
чудеса́ и не вѣ́ровавшихъ, посрами́вшая.

Ра́дуйся, водите́льству Свята́го Ду́ха себе́
преда́вшая;

ра́дуйся, соверше́нную покóрность во́ль
Бо́жiей показáвшая.

Ра́дуйся, зва́вшему тя гла́су благода́ти
послу́шна явiв́шаяся;

ра́дуйся, съ единона́десятаго часа́ въ
вертогра́дъ Господне́мъ потруди́вшаяся и мзду́
съ пѣ́рвыми получи́вшая.

Ра́дуйся, я́ко умудри́ тя Господь че́сть
ца́рскую, бога́тство и сла́ву сочета́ти со
смирѣ́ниемъ хри́сти́анскимъ;

ра́дуйся, я́ко си́мъ о́бразомъ я́вѣ показавшая
на́мъ, я́ко блага́ земны́я не су́ть препя́тіе души́
боголю́бивѣй къ дости́женію блага́ небесныхъ.

Ра́дуйся, добро́тою цѣломудрі́я и свѣтлостію
разумѣ́нія просла́вившаяся;

ра́дуйся, крѣ́постію вѣ́ры и чистото́ю житія́
твоего́ проро́чества да́ръ отъ Бо́га восприя́вшая.

Ра́дуйся, свята́я равноапо́стольная княги́не
Ольго́ богому́драя.

Кондакъ 10

Пу́ть спасе́нія сыно́вомъ Росси́йскимъ устро́я
и предсмер́тное проше́ніе твое́ исполня́я,
Всеблагі́й Госпо́дь возрасти́ во вну́ць твоёмъ
Влади́миръ всѣянное тобо́ю сѣ́мя вѣ́ры и чрезъ
него́ всю́ зе́млю Росси́йскую просвѣ́ти свѣ́тымъ
креще́ніемъ. Тѣ́мже у́бо прославля́емъ тя́, Ольго́
блаже́нная, я́ко ви́новницу просвѣ́щенія на́шего
свѣ́томъ свѣ́тыя вѣ́ры, и уми́льно поёмъ Христу́
Спаси́телю на́шему: Аллилу́я.

Икосъ 10

Прия́вь свято́е креще́ніе, вну́къ тво́й
Влади́миръ, потща́ся изъ́яти изъ́ земли́
нетла́нныя, испо́лненныя чу́днаго благоуха́нія,
мо́щи твоя́, и со свѣ́тителемъ Лео́нтіемъ и всѣ́мъ

мно́жествомъ наро́да поста́ви я́ въ це́ркви
Пречи́стыя Богома́тери, и отто́лъ нача́ша
источа́тися отъ ни́хъ цѣльбы́ всякимъ недúгомъ,
притека́ющимъ съ вѣрою. Сего́ ра́ди
восхваля́емъ тя́ си́це:

Ра́дуйся, я́ко благода́ть Свята́го Ду́ха, въ тя́
всѣльшаяся, подаде́ нетлѣ́нне мо́щемъ твои́мъ;

ра́дуйся, я́ко сотвори́ ты́я цѣльбопода́тельный
исто́чникъ всякимъ недúгомъ.

Ра́дуйся, святы́я мо́щи тво́я оста́вля́ющая въ
подтвержде́ние правоты́ прія́тыя тобо́ю во
Христа́ вѣры;

ра́дуйся, я́ко бы́вшими отъ ни́хъ чудесы́
мно́зи невѣ́рнии ко Христу́ обрати́шася.

Ра́дуйся, чу́дное сия́ние отъ мо́щей твои́хъ
испуска́вшая;

ра́дуйся, съ мало́вѣриемъ къ ни́мъ
приходя́щихъ ви́дѣти я́ не попуска́вшая.

Ра́дуйся, явле́ниемъ мо́щей твои́хъ
младѣ́нствовавшую Це́рковь Росси́йскую
возвесели́вшая;

ра́дуйся, прославле́ниемъ ихъ вну́ка твоего́
Влади́мира зѣло́ обра́довавшая.

Ра́дуйся, я́ко и до ны́нѣ благо́честивіи лю́діе
землі Росси́йскія сла́вною па́мятію тво́ею
услажда́ются;

ра́дуйся, я́ко твои́мъ къ Бо́гу ходата́йствомъ
вѣрніи россія́не мно́гихъ бла́гъ отъ Го́спода
сподобля́ются.

Ра́дуйся, моли́твами твои́ми о просвѣ́щеніи
землі Росси́йскія Бо́га умоли́вшая;

ра́дуйся, вско́рѣ мно́гимъ вели́кимъ свѣ́тымъ
явѣ́тися на землі Росси́йстѣй проре́кова́вшая.

Ра́дуйся, свѣ́тая равноапо́стольная кня́гине
Ольго́ богому́драя.

Конда́къ 11

Пѣ́ніе умиле́нное прино́симъ ти́, уго́днице
Бо́жія, и смире́нно тя мо́лимъ: моли́ о насъ
Еди́наго Человѣ́колю́бца Бо́га, да не отврати́тъ
лица́ Своего́ отъ насъ, недосто́йныхъ, при́сно
согрѣша́ющихъ и преогорче́вающихъ бла́гость
Его́, но да нака́жетъ насъ здѣ́, я́ко Оте́ць
чадолю́бивый, она́може, въ бу́дущемъ вѣ́цѣ, да
спасе́тъ и поми́луе́тъ, я́ко Суді́я и
Мздовозда́тель пра́ведный, да та́ко
изба́вьшеся вѣ́чнаго муче́нія, сподо́бимся съ

тобою въ райскихъ обителѣхъ воспѣвати Емѹ:
Аллилуїя.

Икосъ 11

Трисіяннымъ свѣтомъ осіяваема, со всѣми
святыми предстоиши нынѣ на небесі престолу
Царя царствующихъ, Ольго всеблаженная, и
оттуда, яко свѣтозарное свѣтило, просвѣщаеши
всю страну Россійскую, разгоня мракъ
заблужденій и показуя путь къ истинному
просвѣщенію и небесному блаженству. Сего
ради, прославляюще тя, глаголемъ:

Радуйся, луно, просвѣщенная отъ
незаходямаго Солнца правды;

радуйся, путеводительнице, правую стезю къ
вѣчному спасенію намъ показующая.

Радуйся, мѳщная споспѣшнице и
укрѣпительнице проповѣдниковъ православноя
вѣры;

радуйся, прісная покровительнице благихъ
наставниковъ юношества и всѣхъ
благотрудящихся на пользу общую.

Радуйся, законодателей царства Россійскаго
наставнице и просвѣтительнице;

ра́дуйся, наро́допрати́телей и нача́льниковъ
ца́рства сего́ му́драя и до́брая
свѣтопода́тельница.

Ра́дуйся, крамо́ль и раздо́ровъ
потреби́тельница;

ра́дуйся, всѣхъ оби́димыхъ и непра́ведно
гони́мыхъ засту́пнице.

Ра́дуйся, скорбя́щихъ ско́рая утѣшительница;

ра́дуйся, боля́щихъ ми́лостивая
исцѣлительница.

Ра́дуйся, Царю́ нашему́ и все́му́ роду
Ца́рскому́ по́мощь моли́твами твои́ми отъ Бо́га
подава́ющая;

ра́дуйся, всея́ страны́ Росси́йскія
предста́тельница и засту́пнице.

Ра́дуйся, свята́я равноапо́стольная княги́не
Ольго́ богому́драя.

Кондакъ 12

Благода́ть Пресвята́го Ду́ха испроси́ намъ,
наста́внице на́ша, отъ всеще́драго Бо́га и Спа́са
на́шего, вразумля́ющую и укрѣпля́ющую на́съ въ
дѣлѣ́ спасе́нія, да не безпло́дно бу́детъ въ на́съ
всѣянное тобо́ю сѣмя́ святы́я вѣры, но да

прозябнетъ и плодъ сотворитъ, имже бы
возможи намъ питати души наша въ будущей
вѣчнѣй жизни, идѣже вси святїи воспѣвають
Богу: Аллилуїя.

Икосъ 12

Поюще твоя многая и преславная
благодѣянїя, явленная царству Россійскому въ
просвѣщенїи того свѣтомъ вѣры Христовой,
благодарственная приносимъ ти, съ любовью
зовуще сицевая:

Радуйся, богоизбранная и богопрославленная
самодержице земли Русскїя;

радуйся, несокрушимое огражденіе ея,
покровъ и защищеніе.

Радуйся, двамъ россійскимъ образъ
цѣломудреннаго житїя;

радуйся, матеремъ наставнице законнаго
сжитїя и добраго чадъ воспитанїя.

Радуйся, вдовицамъ правило богоугоднаго
житїя;

радуйся, всѣмъ россїяномъ учительнице и
образъ всѣхъ добродѣтелей.

Ра́дуйся, соуча́стнице на небеси́ жре́бія проповѣ́дниковъ вѣ́ры Христо́вы;

ра́дуйся, соприча́стница вѣ́чнаго блаже́нства пра́ведныхъ.

Ра́дуйся, те́плая о насъ предъ Бо́гомъ моли́твеннице;

ра́дуйся, усер́дная о спасе́нии нашемъ ходата́ице.

Ра́дуйся, въ часъ сме́рти нашея о насъ къ Бо́гу моли́твенница;

ра́дуйся, по исхо́дѣ нашемъ отъ сме́ртнаго сего́ тѣлесе́ по́мощь и утѣше́ние подаю́щая.

Ра́дуйся, свята́я равноапосто́льная княги́не Ольго́ богому́драя.

Конда́къ 13

О, свята́я равноапосто́льная, вели́кая княги́не Ольго́, при́ми ми́лостивно отъ насъ хвале́бное благода́ре́ние сіе́ о всѣ́хъ, яже тобо́ю воздаде́ Госпо́дь намъ, отце́мъ и пра́отцемъ нашимъ и все́й держа́вѣ Росси́стѣй, и моли́ всеблага́го Бо́га проба́вити ми́лость Свою́ на ны́ и на роды́ родо́въ нашихъ, утверди́ти ны́ въ право́вѣрии и благоче́стии, храни́ти же отъ всѣ́хъ напа́стей,

бѣдъ и золь, да сподобимся съ тобою, яко чада съ матерію, во вѣки воспѣвати Богу: Аллилуія.

Сеѣ кондакъ глаголется трижды. Таже Икосъ 1-й и Кондакъ 1-й

Моли́тва пе́рвая

О, святая равноапостольная великая княгине Ольго, первоугоднице Россійская, теплая о насъ предъ Богомъ ходатаице и молитвеннице! Къ тебѣ прибѣгаемъ съ вѣрою и молимся съ любовію: буди намъ во всемъ ко благу помощница и споспѣшница и якоже во временнѣй жизни тщалася еси просвѣтити праотцы наша свѣтомъ святыхъ вѣры и наставити я творити волю Господню, тако и нынѣ, въ небеснѣй пребывая свѣтлости, благопріятными твоими къ Богу молитвами, вспомоществуй намъ въ просвѣщеніи ума и сердца нашего свѣтомъ Евангелія Христова, да преспѣваемъ въ вѣрѣ, благочестіи и любви Христовѣ. Въ нищетѣ и скорби сущія утѣши, бѣдствующимъ подаждь руку помощи, обидимыя и напастуемыя заступи, заблудшія отъ правыхъ вѣры и ересьми ослѣпленныя вразуми, и испроси намъ у всещедрого Бога вся благая и полезная въ жизни временнѣй и

вѣчнѣй, да тако благоугоднѣ здѣ поживше, сподобимся наслѣдія благъ вѣчныхъ въ безконечномъ Царствіи Христа Бѣга нашего, Емуже съ Отцемъ и Святымъ Духомъ подобають всякая слава, честь и поклоненіе всегда, нынѣ и присно и во вѣки вѣковъ. Аминь.

Молитва вторая

О, великая угоднице Бѣжія, богоизбранная и богопрославленная, равноапостольная великая княгиня Ольга! Ты отринула еси зловѣріе и нечестіе языческое, увѣровала еси во Единаго Истиннаго Трѣипостаснаго Бѣга и воспріяла еси святое крещеніе и положила еси начало просвѣщенія земли Россійскія свѣтомъ вѣры и благочестія. Ты еси духовная родоначальница наша, ты по Христу Спасителю нашемъ первая виновница просвѣщенія и спасенія рода нашего. Ты еси теплая молитвенница и ходатаица о царствѣ Всероссійствѣмъ, о царяхъ его, народоправителѣхъ, воинствѣ и о всѣхъ людехъ. Сего ради смиренно молимъ тя: призри на немощи наша и умоли премилосердаго Царя Небеснаго, да не прогнѣвается на ны зло, яко по немощемъ нашимъ по вся дни согрѣшаемъ, да не погубить насъ со беззаконными нашими, но

да помилуетъ и спасетъ насъ по милости Своей, да всадитъ въ сердца наша спасительный страхъ Свой, да просвѣтитъ Своєю благодатию умъ нашъ, во еже разумѣти намъ пути Господни, оставити стези нечестія и заблужденій, тщатися же во стезяхъ спасенія и истины, неуклоннаго исполненія заповѣдей Божіихъ и уставовъ святыя Цѣркве. Моли, блаженная Ольго, Человѣколюбца Бога, да пробавитъ намъ великую милость Свою: да избавитъ насъ отъ нашествія иноплемѣнныхъ, отъ внутреннихъ нестроеній, мятежей и раздоровъ, отъ глѣда, смертоносныхъ болѣзней и отъ всякаго зла, да подастъ намъ благораствореніе воздуха и плодоносіе земли, да сохранитъ и спасетъ Благочестивѣйшаго Государя нашего Императора [имярекъ] отъ всѣхъ козней и наветовъ вражійхъ, да даруетъ Ему побѣду на враги, да исполнитъ вся благая желанія Его, да оградитъ престолъ Его мудрыми и вѣрными слуги, да соблюдетъ въ судіяхъ и правителяхъ правду и милость, да дастъ пастьремъ ревность о спасеніи пасомыхъ, всѣмъ же людемъ споспѣшеніе о еже усердно службы своя исправляти, любовь между собою и единомысліе имѣти, на благо отечества и святыя Цѣркве

вѣрнѣ подви́затися, да возсіяетъ свѣтъ спасительныя вѣры въ царствѣ нашемъ, во всѣхъ концѣхъ его, да обратятся къ вѣрѣ невѣрующіи, да упразднятся вся ереси и расколы. Да тако поживше въ мирѣ на земли, сподобимся съ тобою вѣчнаго блаженства на небесі, хваляще и превозносяще Бога во вѣки вѣковъ. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**